

Na osnovu člana 13. stav (4) Zakona o novčanim podrškama u poljoprivredi i ruralnom razvoju ("Službene novine Federacije BiH", br. 42/10 i 99/19) federalni ministar poljoprivrede, vodoprivrede i šumarstva, donosi

**PRAVILNIK  
O IZMJENAMA I DOPUNAMA PRAVILNIKA O NAČINU I USLOVIMA  
OSTVARIVANJA NOVČANE PODRŠKE PO MODELU POTICAJA PROIZVODNJI**

**Član 1.**

U Pravilniku o načinu i uslovima ostvarivanja novčane podrške po modelu poticaja proizvodnji – prečišćeni tekst („Službene novine Federacije BiH“, broj 54/21 i 46/22) u članu 4. stav (1) alineja 5, iza riječi „luk“ dodaju se riječi „(bijeli/crveni/praziluk)“, iza riječi „lubenica“ dodaje se riječ „/dinja“, iza riječi „grah“ dodaje se riječ „/grašak, špinat“

**Član 2.**

U član 8. stav (2) br. „2/98 i 48/99“ zamjenjuje se br: „2/98, 48/99 i 61/22“  
U stavu (4) broj „20“ zamjenjuje se brojem „15“ i broj „33“ zamjenjuje se brojem „3“, riječi „ tačka 10.“ se brišu.

**Član 3.**

U članu 11 stav (1) tačka a) mijenja se i glasi: „registrovan kao pravno lice, poljoprivredni obrt ili fizičko lice, ima sjedište/prebivalište u Federaciji Bosne i Hercegovine (u daljem tekstu: Federacija BiH)“;

U stavu (1) tačka d) iza broja 42/08, umjesto slova „i“ dodaje se zarez , a iza broja „24/20“ dodaje se broj „ i 31/22“.

**Član 4.**

U članu 13. stav (1) tačka b) riječ „goveda“ zamjenjuje se riječima „ grla krupne stoke“.

**Član 5.**

U članu 14. stav (1) tačka b) riječi „goveda“ zamjenjuje se riječima „ grla krupne stoke“.

**Član 6.**

Naslov člana 16. mijenja se i glasi: „(Proizvodnja povrća – paradajz, paprika, krastavac, patlidžan, mrkva, cvekla, luk (bijeli/crveni/praziluk) salata, mladi krompir, kupus/kelj, lubenica/dinja, grah/grašak i špinat)“

U stavu (1) tačka a) se mijenja i glasi: „ a) zasnuje proizvodnju povrća u skladu sa Sjetvenim normama (iste se nalaze na web stranici Federalnog ministarstva), na minimalno 0,5 ha po kulturi i proda ili preradi minimalno 15 t/ha paradajza, kupusa, kelja, lubenice, dinje, 8 t/ha paprike, crvenog luka, patlidžana, krastavca, mladog krompira, 5 t/ha, salate, špinata, cvekle, mrkve, praziluka, 1,5 t/ha bijelog luka, graha, graška“.

**Član 7.**

U naslovu člana 22. iza riječi „Proizvodnja“ dodaju se riječi “deklarisanog ili naturalnog“.

#### Član 8.

U naslovu člana 23. iza riječi „Proizvodnja“ dodaju se riječi „deklarisanog ili naturalnog“.

#### Član 9.

U članu 27. iza stava (1) dodaje se novi stav (2) koji glasi: „(2) Ovlašteni službenik je dužan u roku od 30 dana od dana prijave proizvodnje iz stava (1) tačka b) ovog člana izvršiti obilazak mjesta proizvodnje klijenta i sačiniti zapisnik ZAP o broju muznih krava.“

U istom članu stavovi „(2), (3), (4), (5), (6) i (7)“ postaju stavovi „(3), (4), (5), (6), (7) i (8)“

U stavu (5) broj „(3)“ zamjenju je se brojem „(4)“.

U stavu (6) iza riječi kvartala, dodaju se riječi: „i zapisnika o broju muznih krava (odnosi se na proizvođača ako proizvodi i prerađuje mlijeko na vlastitom gazdinstvu)“.

#### Član 10.

U članu 28. stav (1) riječ: „(muških)“ briše se.

#### Član 11.

U članu 29. stav (1) riječ: „(muških)“ briše se.

#### Član 12.

U članu 32., stav (1) tački c) broj: „90“ zamjenjuje se brojem: „60“.

Iza stava (1) ovog člana dodaje se novi stav (2) koji glasi: „(2) Ovlašteni službenik je dužan u roku od 30 dana od dana prijave proizvodnje iz stava (1) tačka c) ovog člana izvršiti obilazak mjesta proizvodnje klijenta i sačiniti zapisnik ZAP o broju muznih ovaca/koza“.

U istom članu stavovi „(2), (3), (4), (5), (6) i (7)“ postaju stavovi „(3), (4), (5), (6), (7) i (8)“.

U stavu (5) broj „(3)“ zamjenju je se brojem „(4)“.

U stavu (6) iza riječi kvartala, dodaju se riječi: „i zapisnika o broju muznih krava (odnosi se na proizvođača ako proizvodi i prerađuje mlijeko na vlastitom gazdinstvu)“.

#### Član 13.

U članu 38a. stav (4) se mijenja i glasi: „ (4) Obračun novčane podrške za uzgoj brojlera se vrši za sve turnuse odjednom na osnovu broja utovljenih – plasiranih brojlera otkupljivaču od 1.10 predhodne do 1.10.tekuće godine, uključujući i onaj turnus koji je započeo prije, a završen nakon 1.10 predhodne godine i zapisnika o uzgoju brojlera“.

#### Član 14.

U članu 42. stav (1) broj „32/17“ zamjenjuje se br. „54/21, 46/22“

U stavu (2) broj „2022“ zamjenjuje se brojem“ 2023“

Iza stava (2) dodaju se novi stavovi (3) i (4) koji glase:

„(3) Nadležna kantonalna ministarstva će Obračun novčane podrške od 100 KM/ha, iz Dodatka za sjeme, mineralno đubrivo i gorivo u Programu za 2023.godinu realizovati u skladu sa članom 27. Zakona o novčanim podrškama, tako što će Aplikacija za obradu, automatski, na obračunati iznos za ostvarenu biljnu proizvodnju u tekućoj godini (samo za one proizvodnje koje ostvaruju pravo na novčanu podršku po hektaru), dodati iznos od 100 KM/ha, te obrađene zahtjeve sa zbirnim iznosima dostaviti ovom Ministarstvu na daljnju obradu.

(4) Sačinjavanje zapisnika na mjestu proizvodnje iz člana 27. stava (2) i člana 32. stava (2) će se u 2023. godini vršiti 30 dana od dana stupanja na snagu ovog Pravilnika“.

#### Član 15.

Ovaj pravilnik stupa na snagu narednog dana od dana objave u „Službenim novinama Federacije BiH“.

**MINISTAR**

Kemal Hrnjić

**Broj:** 03-1-20/1-1285-12/18

**Sarajevo,** 02. 06. 2023. godine

# OBRAZLOŽENJE

Pravilnika o izmjenama i dopunama Pravilnika o uslovima i načinu ostvarenja novčanih podrški po modelu poticaja proizvodnji

## I. PRAVNI OSNOV

Na osnovu člana 13. stav (4) Zakona o novčanim podrškama u poljoprivredi i ruralnom razvoju („Službene novine Federacije BiH“, br. 42/10 i 99/19) kao i Programa novčanih podrški u poljoprivredi i ruralnom razvoju za 2023. godinu „Subvencije privatnim preduzećima i preduzetnicima - Poticaj za poljoprivredu“ („Službene novine Federacije BiH“, broj: 30/23 i 35/23), federalni ministar poljoprivrede, vodoprivrede i šumarstva donosi Pravilnik o izmjenama i dopunama Pravilnika o uslovima i načinu ostvarenja novčanih podrški po modelu poticaja proizvodnji.

## II. RAZLOZI ZA DONOŠENJE

S obzirom da je u Programu novčanih podrški za poljoprivredu i ruralni razvoj (u daljnjem tekstu – Program) za 2023. godinu, u okviru biljne proizvodnje, kod povrća u proizvodnji luka (crveni, bijeli) uvedena je nova kultura praziluk, također, uvedena je i novčana podrška za: dinju, grašak i špinat, te je bilo neophodno i u Pravilniku propisati opće i posebne uslove za te kulture.

U animalnoj proizvodnji nije bilo uvođenja novih mjera, ali je bilo potrebno izvršiti određene korekcije u važećem Pravilniku u općim i posebnim uslovima, pa se shodno tome u članu 13. stav (1) tačka b) i članu 14. stav (1) tačka b) umjesto riječi „goveda“ zamijenilo riječima „grla krupne stoke“. Ova izmjena se prije svega odnosi na omogućavanje klijentima koji se bave uzgojem izvornih zaštićenih pasmina životinja (brdski konj i domaći magarac), da ostvare pravo na novčanu podršku za stočna žita i krmno bilje i na taj način se izjednače sa ostalim proizvođačima krupnih grla.

Također, u članovima 27. i 32. koji se odnose na proizvodnju kravljeg, ovčijeg i kozijeg mlijeka za preradu na vlastitom gazdinstvu uvodi se obaveza sačinjavanja zapisnika o broju muznih grla na mjestu proizvodnje. U 2023. godini će se ova odredba početi primjenjivati stupanjem na snagu ovog Pravilnika, dok će se u narednom periodu ova odredba o sačinjavanju zapisnika primjenjivati u roku od 30 dana od dana podnošenja P1 Obrasca, a što je u skladu sa nalazom revizije za 2022. godinu. Za proizvođače kravljeg, ovčijeg i kozijeg mlijeka koji ujedno i prerađuju mlijeka na vlastitom gazdinstvu, neće biti isplate poticaja za tekuću godinu ukoliko se utvrde bilo kakve nepravilnosti u vezi istog.

U vezi navedenog, u članu 32. Pravilnika izvršena je korekcija na način da je smanjena gornja granica podrške za proizvodnju kozijeg mlijeka po grlu, sa 90 litara na 60 litara po grlu mjesečno.

Precizirana je i odredba u članu 38a koja se odnosi na obračun novčane podrške za uzgoj brojlera, odnosno period za koji se vrši obračun. Naime, u prošloj godini je po prvi put uvedena ova mjera, pa je u skladu sa tim vremenom bilo potrebno i propisati odredbu koja se odnosi na podnošenje P-1 obrazca, odnosno period od kada se vrši obračun, a koja se nije mogla primjeniti u ovoj godini, te je u skladu sa tim i izvršena korekcija u ovom članu.

Nadalje, na zahtjev Udruženja poljoprivrednika, Seljačkog saveza i poljoprivrednika, vrši se izmjena članova 28. i 29. Pravilnika na način da se omogućava pravo na novčanu podršku poljoprivrednim proizvođačima koji u tovu imaju pored muških i ženska grla.

Prilikom izrade ove izmjene i dopune Pravilnika korišteni su komentari, primjedbe i sugestije zainteresovane javnosti koje su pristizale u proteklom periodu, odnosno tokom primjene važećeg Pravilnika i izrade Programa novčanih podrški za 2023. godinu.

Tako je kroz javnu raspravu u vezi Programa novčanih podrški, koja se odvijala neposredno sa predstavnicima udruženja, saveza, zadruga i drugih zainteresiranih klijenata, kao i obavijesti putem naše web stranice, pristigao određeni broj komentara, prijedloga i sugestija koje se odnose i na važeći Pravilnik o načinu i uslovima ostvarivanja novčane podrške po modelu poticaja proizvodnji. Jedan broj tih primjedbi se upravo odnosio na one izmjene koje su i propisane u ovoj izmjeni Pravilnika, odnosno uvažene su one primjedbe koje su bile u skladu sa važećim propisima i koje je moguće provesti. Imajući u vidu da je vrijeme stupanja na snagu ove izmjene i dopune ovog Pravilnika vrlo važan faktor za njegovu pravovremenu primjenu, kao i činjenica da smo kroz javnu raspravu u vezi Programa novčanih podrški za 2023. godinu prikupili dovoljno primjedbi koje su se odnosile i na Pravilnik o načinu i uslovima ostvarivanja novčane podrške po modelu poticaja proizvodnji, tako da šira rasprava o izmjeni Pravilnika nije potrebna.

Posebno je značajno u ovoj izmjeni Pravilnika bilo propisati način na koji će se realizovati Dodatak za sjeme, mineralno đubrivo i gorivo za biljnu proizvodnju za klijente koji ostvaruju pravo na novčanu podršku po hektaru. U Programa za 2023. godinu je i najavljeno da će se u Pravilniku propisati način i uslovi ostvarivanja novčane podrške u visini od 100 KM/ha.

S obzirom da su u Programu uvedene nove kulture, ovom izmjenom je produžen rok za podnošenje Obrazca P1, kao i rok za sačinjavanje zapisnika na terenu, i ta odredba će se primjenjivati samo u 2023. godini.

### **III. USKLAĐENOST**

U pogledu usklađenosti sa pravnim naslijeđem Europske unije (acquis), ne postoji odredba sekundarnih izvora prava EU sa kojom bi se propis mogao uporediti, radi dobijanja stepena njegove usklađenosti.

Predmetna oblast pravnog propisa - Pravilnik o uslovima i načinu ostvarenja novčanih podrški po modelu podrške proizvodnji, regulisana je kroz „Nacionalni propis“.

### **IV. PROVEDBENI MEHANIZMI I NAČIN OSIGURAVANJA**

Službena kontrola i inspekcijski nadzor će se provoditi na način kako je to propisano važećim zakonskim i podzakonskim propisima.

### **V. FINANSIJSKA SREDSTVA**

Za implementiranje ovih izmjena i dopuna ovog Pravilnika su planirana sredstva u Programu novčanih podrški za poljoprivredu i ruralni razvoj za tekuću godinu i nisu potrebna dodatna sredstva za realiziranje predviđenih mjera.